

# Panahan emas Akmal pada penyertaan kali pertama

KOSMO (SUKAN) 3/2/2016 m/s 60

**PENYERTAAN** kali pertama pada temasya SukIPT 2016 ternyata membawa tuah buat Muhammad Akmal Khairul Adnan apabila dia meraih pingat emas dalam acara memanah compound individu lelaki di Universiti Teknologi Malaysia (UTM) Skudai semalam.

Akmal yang turun mewakili Universiti Tenaga Nasional (Uniten) berjaya mengumpul keseluruhan 669 mata menewaskan wakil Universiti Malaysia Pahang (UMP), Mohamed Shafiq Abd. Salim dengan kelebihan empat mata, manakala pingat gangsa diraih atlet Universiti Pendidikan Sultan Idris (UPSI), Muhammad Iqbal Junaid.

“Sejujurnya saya tidak menasarkkan sebarang pingat dalam penyertaan ini memandangkan banyak lagi pesaing hebat termasuk beberapa bekas pemain kebangsaan yang antaranya mewakili Universiti Sultan Zainal Abidin (UniSZA).

“Saingan hari ini (semalam) sangat sengit dengan keadaan hujan serta angin yang begitu mencabar dan beza mata saya dengan pemenang pingat perak juga tidak

jauh,” katanya ketika ditemui semalam.

Pencapaian cemerlang Akmal sebelum ini termasuklah memenangi satu pingat emas serta satu gangsa pada temasya Sukan Malaysia (Sukma) 2014 di Perlis selain bakal turut beraksi pada edisi seterusnya di Kuching, Sarawak pada Julai depan.

Sementara itu, pemanah negara bagi acara compound individu wanita, Fatim Nurfatehah Mat Salleh sekali lagi menepati ramalan apabila menggondol pingat emas semalam,

sekali gus menyapu bersih kesemua status

juara dalam ketiga-tiga edisi SukIPT.

“Keadaan hujan semalam menyaksikan saya terpaksa mencari rentak pada permulaan pusingan pertama sebelum dapat menyesuaikan diri sepenuhnya.

“Selain itu, ini juga kali pertama saya mewakili Universiti Sains Malaysia (USM) dan mereka meletakkan harapan yang tinggi buat saya setelah meraih emas dalam dua SukIPT sebelum ini ketika bersama Universiti Teknologi Mara (UiTM).

“Bagaimanapun, saya melihat ia sebagai sesuatu yang positif dan gembira dapat menyumbang pingat hari ini (semalam),” jelasnya.

Fatim meraih emas setelah mengumpul 686 mata dan diikuti seorang lagi wakil USM, Lau Jiun Sien (670) dan tempat ketiga diduduki Nurul Syazhera Mohd. Asmi dari UiTM (664).



**AKMAL** menunjukkan pingat emas yang dimenangi dalam acara memanah compound individu pada SukIPT di Skudai semalam.